

詩

說

八

詩說卷第十二

信安劉克學

清廟

周頌

於穆清廟肅雝顯相濟濟多士秉文之德對越在天駿奔
走在廟不顯不承無射於人斯

周頌三十一詩似皆樂章也三百篇雖皆可歌然周禮
籥章所掌函詩函雅函頌鄭氏謂皆在七月之詩詩亦
分而三之此其被之金石者也若周頌之辭旨音韻其
樂章矣當制作大備之時以其事奏其詩非特人歌之

詩說卷十二

一

升

金石絲竹皆得而譜焉者也故頌之辭皆以簡直精誠
為主况清廟兩言時夏非為樂章乎周頌之序與詩意
不相異其樂工之所記歟商頌十二篇所存者五似止
是人之所歌非若周頌也吾夫子即周之樂章取而存
之於詩使百世得以通習焉於穆二辭似形容清廟之
容與成王祭祀之敬顯如書之不顯哉又王謨承如書
之不承哉武王烈兼言武王也秉文之德言王文王也
清廟之祀文武並列獨言秉文之德者蓋尊文一上也於
穆與維天之命於穆不已同也



惟此二字所以尊文王

維天之命

維天之命於穆不已於乎不顯文王之德之純假以溢我
我其収之駿惠我文王曾孫篤之

此詩似是宗祀文王配上帝之時非廟中之樂也中庸
純亦不已所謂配也中庸合純與不已爲一文王即天
也溢我者文王也篤之者成王也収之若近於書大誥
所謂収受休畢圖功收終之意駿惠若二義尊大之也
詩以天命名詩若謂周之興天實啓之是以生此文王
而王業遂益隆也篤以行言且其義似亦淺矣

維清

維清緝熙文王之典肇禋迄用有成維周之禎

廟曰清廟此詩又曰維清推本文王之聖專以清言其
天得一以清乎文王之配于天惟此義足以當之禋祀
以肇於祀文王呂成公之說窒矣似若此詩以成王爲
主能緝熙文王之典肇禘始禋祀故迄周有成如武成之
成所以爲周家之福

烈文

烈文辟公錫茲祉福庶我無疆子孫保之無封靡于爾邦
維王其崇之念茲我功繼序其皇之無競維人四方其訓
之不顯維德百辟其刑之於乎前王不忘

此豈燕諸侯之樂因其來助祭而燕享之而戒勅之辭
有維王其崇之之辭王成王也烈者功烈也友邦諸侯
宜有功烈文者能致治也以二者待諸侯也以其來助
祭故詩名以烈文爲辭卒以前王爲辭使之不忘繼序
其皇之繼承循序以美前日之功於不可忘

天作

詩經卷十一

十一

十一

天作高山大王荒之彼作矣文王康之彼徂矣岐有夷之
行子孫保之

詩人以作字名詩作興也興周於遷岐者雖大王也有
天命焉實始翦商者天命也故以是詩專歸之天繼言
彼作矣岐者周之始遷此人之所作也當作此詩之時
周又再遷矣故曰彼徂矣去岐而作豐矣成王之時在
豐不在岐也毛鄭以夷爲易可也詩言大王及文王也
文王未遷豐之時也觀孟子言昔者文王之治岐也耕
者九一仕者世祿關市譏而不征澤梁無禁罪人不斁

文王亦以治政聞於天下皆平夷之事也似若文王生於岐周西夷之人也有西夷大樸未散之風豈有代商之心哉尚有夷之行最為周之至德天自興之爾其事不出乎畎畝周家世篤之也

昊天有成命

昊天有成命二后受之成王不敢康夙夜其基命宥密於緝熙單厥心肆其靖之

是詩殆莫可知以為祀天地而不言天借曰尊事之至不敢指言又非及嚴恭寅畏與降福照臨之辭似君宗祀文王之詩故言受命基命者也此非學者所敢臆也又若天下太平禮樂大備之際方作洛之時周召猶曰王厥有成命是作洛之時周家未敢以成命自居今言成命告成於神其在天保定爾亦孔之固其時蓋相近也惟欲其盡心於有常而後能安定也蓋畏天之為不容自安之意

我將

我將我享維羊維牛維天其右之儀式刑文王之典日靖四方伊嘏文王既右饗之我其夙夜畏天之威于時保之

名詩之義何哉借曰祀文王似不應以己為主也似若
省牲養牲卜牲在滌三月之時所以致謹致嚴之意故
以維羊維牛爲首辭也不敢指言天祇以儀式刑文王
祀天之典法庶幾上天佑助使天下安靖非以己當天
之福惟福文王而爲之歆饗焉至敬之辭也故其名詩
非以己能饗天將者猶未祭而致其敬也託諸文王以
爲感格之本故卒章始言畏天而幸其可保若是則名
詩之旨似亦近焉似不必謂頌比爲樂章也

時邁

時邁其邦昊天其子之實若序有周溥言震之莫不震疊
懷柔百神及河喬嶽允王維后明昭有周式序在位載戢
千文載橐弓矢我求懿德肆于時夏允王保之

是詩似若兩章自明昭有周而後諸侯事也始之震疊
以禮法繩之而非威武也是以橐戢以明周之本心焉
使諸侯尚德被之於時夏而後信人君之能保爾國也

執競

執競武王無競維烈不顯成康上帝是皇自彼成康奄有
四方斤斤其明鍾鼓喤喤聲筦將將降福穰穰降福簡簡

威儀反反既醉既飽福祿來友

詩言其競有此武功也以執競專歸之武王明武王之有天下也烈大也而武王所以成大功者在於愛之上帝之所美也雖以功定天下其顯曰斤斤者皆德也書曰誕將天威咸劉厥敵惟茲四人昭武王惟冒丕單稱德謂武功本明德所致非以兵也此詩似燕諸侯受福於祀事之後故有醉飽之辭周禮鍾師以鍾鼓奏九夏鄭氏引呂叔玉肆夏繁過渠皆周頌也繁多也過止也言福祿止於周之多也故執競曰穰穰簡簡來友

思文

思文后稷克配彼天立我丞民莫匪爾極貽我來牟帝命率育無此疆爾界陳常于時夏

周家郊祀后稷以配天蓋謂民生所以能立皆本於后稷爲之極焉極猶井幹屋危也猶設官分職以爲民極也生民之誕降嘉種而不及麥訓以字之從三爲義豈別有義春秋書麥苗傳言食新皆以來爲重豈成孰於萬物生育最足以濟民之饑乎所謂思文者猶堯之文思耶謚法以文爲光大惟此詩與時遺爲周公所作

殆見二詩皆有時夏之辭爾然自清廟以來非周公不能有此詩

臣工

嗟嗟臣工敬前在公王釐爾成來咨來茹嗟嗟保介維莫之春亦又何求如何新畝於皇來牟將受厥明明昭上帝迄用康年命我衆人庠乃錢鎛奄觀鍾彝

序詩者以何辭證其爲諸侯乎詩辭無一字相近似也此止是戒勅周之臣工如遼人遼大夫縣正里宰之屬使之修稼穡之工事爾周家專以重農爲政若周禮籥

章凡國祈年于田祖歌豳雅擊土鼓樂由曠所歌之詩乎務農重穀是已來牟與思文同辭幾於祈穀矣

此詩亦猶今世之勸農故有命我衆人之辭古者私田稼不善則非吏是以如此諷諫也再用嗟嗟之辭先言臣工又言保介皆教之意

噫嘻

噫嘻成王既昭假爾率時農夫播厥百穀駿發爾私終三十里亦服爾耕十千維耦

當太平盛時縱非樂音亦非勸所也後世如元結作中

興頌言祿山之禍首亦曰噫嘻前朝則可也豈後世以
此二字若後世嗟嘆之辭遂以此釋之爾歎有二有歎
美之辭此非嗟嗟臣工之比也名詩之義莫可知已似
恐是古今語音不同詳此詩是登進其民勸以耕耨之
詩噫嘻若煦咻其民之意周王與其民相唯諾故有是
辭言成周之王甚親昵爾民也昭假固當如朱氏之言
也如不泥其辭以詩意涵泳之迨是昭臨爾民登進而
告之使爾農相率協力以興於農無此疆彼界爾

振鷺

振鷺于飛于彼西雝我客戾止亦有斯容在彼無惡在此
無斃庶幾夙夜以永終譽

此詩之所歌為燕歎抑為助祭歎助祭在周廟無所
用詩也若燕二王之後序有遺矣是詩與有客同宜
別而二之也豈有客所以尊微子歎代殷後二王又為
誰之後哉其陳杞乎是三恪也商之子孫聖人不臣其
先代之後故亦以我客為言言彼此猶稱殷士也不奪
其念商之本心也在彼在此位有所別無惡斃則一之矣

曲阜

豐年多黍多稌亦有高廩萬億及秭爲酒爲醴丞俎祀
以洽百禮降福孔皆

有瞽

有瞽有瞽在周之庭設業設虞崇牙樹羽應田縣鼓鞀磬
祝圉既備乃奏簫管備舉喤喤厥聲肅雝和鳴先祖是聽
我客戾止永觀厥成

詩曰在周之庭序曰合平祖夫台大樂於祖廟而奏之
在周之庭肄習之所也奏既備則必在宗廟之中先祖
是聽矣使瞽者在周之庭爲宗廟之重也此名詩之旨

爾雅卷十一

九

百

歟特合祖之辭義亦室

潛

猗與漆沮潛有多魚有鱸有鮪鱒鱭鯉以享以祀以介

景福

詩以潛與漆沮並言潛亦水名也毛氏訓潛爲糝孔援
孫炎謂積柴養魚就有考據曷爲與漆沮並言按禹貢
導渭會澗過漆沮入于河梁州之地沱潛旣道又云浮
潛逾沔入于渭亂于河則潛水固與渭相通亦與漆沮
相近安知詩人謂潛有多魚非潛之水平似不必衍而

為積柴之說也且於辭為順

雖

有來雖雖至止肅肅相維辟公天子穆穆於薦廣牡相予
肆祀假哉皇考綏予孝子宣哲維人文武維后燕及皇天
克昌厥後綏我眉壽介以繁祉既右烈考亦右文母

曾論八佾所言於禘祭所奏之樂也有來雖雖在廟門
外之容故曰至止肅肅則有來為未至矣聖人之取義
皆取其未用誠之積爾如易之觀盥而不薦有孚顒若
不得以既薦為義所以然者禘者祭之尤大者貴其誠
之至重之於廟門之外不特在廟也亦猶社稷宗廟之
中未施敬於民而民敬豈特於施其敬而後以為言也

載見

載見辟王曰求厥章龍旂陽陽和鈴央央儻革有鷄休有
列光率見昭考以孝以享以介眉壽永言保之思皇多祐
烈文辟公綏以多福俾緝熙于純嘏

味詩之辭亦有始見于武王廟之旨何為而始見乎蓋
武王之克商宜君而去之庶商諸侯臣服于商者宜未
朝于周也自大誥黜商之後天下一統庶商諸侯同於

作洛見士于周固宜始見于周廟而名以載見也其朝
覲于周求所以爲典章者而奉承之嗣王乃率諸侯以
見祖廟自烈文辟公以下若前者烈文辟公之詩同所
以待之者如友邦諸侯亦以烈文辟公爲辭見周之待
之者無間於異代也所謂昭文章者明於制度順少長
別威儀也亦書同文之義

有客

有客有客亦白其馬有萋有且敦琢其旅有客宿宿有客
信信言授之縶繫以執繫其馬薄言追之左右綏之既有淫威

降福孔夷

四詩說卷十二

十一

微子有盛德爲三仁之首書再以名篇惟微子一人是
以不於板鷺而專有是詩焉有客之辭于再于三不
曰我客者作賓于王家者也特淫威二字詩書所無若
非成周君臣之語如以微子有盛德之容威如威鳳之
威意甚純直以敦琢其旅言之則其威容盛矣然又若
聖人之旨自有深遠而不自滿者武王之克商也本無
取之之心是以立武庚而去之使庶商之諸侯自往朝
服焉迨武庚以三監叛將以讎周長亂無已將浸淫波

蕩周公用師作大誥以黜殷使歸於一統然後以微子
代殷後天下始盡爲周甚非文武周公之本心故常懷
不滿焉故於告微子之辭自謂黜殷之舉爲用威之過
亦宜然也

武

於皇武王無競維烈允文文王克開厥後嗣武受之勝殷
過劉耆定爾功

大武武王之樂也異於文王矣周之樂不敢以文王爲
名乃謂其本於武王也他詩皆言本於文王此詩獨言
本於武王不滿者也蓋與前詩既有活威之辭同旨所
欲自著其過用之失以彰文武之本心且明其不容已
之勢以示萬世也非周公疇克至此使後之言樂者知
此固以武之未盡善爲周不滿當以名樂之詩見文武
周公至德之所以爲大歟觀書至此安得不三歎

閔予小子

閔予小子遭家不造嬛嬛在疚於乎皇考永世克孝念茲
皇祖陟降庭止維予小子夙夜敬止於乎皇王繼序思不

忘

觀遭家不造孀孀在疚之言是成王始除武王之喪而朝于祖廟者也自視眇躬之可閔而出繼大統故思慕武王而念文王若祖考陟降之在其戶庭也皇王宜以文王有聲之辭爲據成王纂繼其序而不敢忘也始見祖廟故不應他及

訪落

訪予落止率時昭考於乎億哉朕未有艾將予就之繼猶判渙維予小子未堪家多難紹庭上下陟降厥家休矣皇考以保明其身

成王初即政始見祖廟不敢自安是以有訪落小憇之詩以資諸故老大臣也落亦有始之意言率循武王之道其道之悠遠猶已也猶未知所終也將予就之若以我就此則又有泮渙之勢此所謂多難也庭皆以直爲訓可也然紹庭若繼承於家庭上下陟降厥家非家庭而何如在武王之側見堯於羹牆之意宜以武王之休而保明我身也

敬之

敬之敬之天維顯思命不易哉無曰高曾在上陟降厥士

日監在茲維予小子不聰敬止日就月將學有緝熙于光
明佛時仔育示我顯德行

此詩與小毖似若君臣燕樂之詩敬之則臣之戒君小
毖則君之資臣也羣臣以天道可畏陟降不違常所照
臨維予小子者故老指成王而言謂其聰明不開則莫
能敬也惟學問以開明之故必大有所有任示我以至
顯之德則足以當天所監也

小毖

予其懲而毖後患莫予弄蜂自求羊螫肇允彼桃蟲拚飛
維鳥未堪家多難予又集于蓼

毖以謹慎為義經所同也似不應以小為言成王即政
之初未嘗更事自以我不足以任天下也其所謹毖者
甚微非若老成世臣能法謹天命也詩謂有所懲劓而
後毖則亦未大也弄亦猶相當之意特無援證爾李所
引莽去不逮甚切然皆若擾亂之狀蜂無可使之理莫
以我撓擾蜂聚而致其所螫也桃蟲如訓箋可也是以
小力而任大也故有未堪多難之辭詩之蓼昏以辛苦
為義謝宣遠詩取肇允翻飛為實義固非可以經律之

也

載發

載芟載柞其耕澤澤千耦其耘祖隰祖人似主侯伯侯亞
侯旅侯彊侯以有嘏其饁思媚其婦有懷其士有略其耜
俶載南畝播厥百穀實函斯活驛驛其達有厭其傑感厥
其苗緜緜其庶載穫濟濟有實其積萬億及秬為酒為醴
丞畀祖妣以洽百禮有飶其香邦家之光有椒其馨者胡考
之寧匪且有且匪今斯今振古如茲

詩皆言農事而獨以芟名詩披荆棘草萊以立田畝之

詩卷之十一

卷之十一

月

意周頌惟此為最詳首末若七月之詩特不及時令耳
似若不可以為樂章且天子躬耕時所歌以祭而或被
金石乎與良耜皆相似是以繼列之焉

良耜

芟芟良耜俶載南畝播厥百穀實函斯活或來瞻女載筐
及筥其饁伊黍其笠伊糾其縛斯趙以薅荼蓼奈蓼朽止
黍稷茂止獲之桎桎積之栗栗其崇如墉其比如櫛以闢
百室百室盈止婦子寧止殺時特牲有秣其角以似以續
續古之人

此詩次第甚明自耕種至耘自茂至實自穫至積畝田
畷之樂乎

絲衣

絲衣其紕載弁俶俶自堂徂基自羊徂牛登階升及龜鼈觥
其觶旨酒思柔不吳不敖胡考之休

李迂仲援引詳備詩記大抵因之如此詩之削去高子
之辭其於明經得矣故不容不併削李之辨後學亦當
知此之義所以有此辭者其大較或若是耳

酌

於鑠王師遵養時晦時純熙矣是用大介我龍受之躋躋
王之造載用有嗣實維爾公允師

以詩序求之若既成大武之樂未用之郊廟朝廷之所
肄習閱試者耶以卒章之句求之橫渠謂周公既沒成
王以武功之成由周公者似有此義也允師亦猶洛誥
作周孚先之意然亦無養天下之辭詩記併此辭削之
誠有見矣遵養時晦似若文王此詩為武王言何也泰
誓十有一年會于孟津觀政于商至十有三年師渡孟
津孔子以一月戊午書之明周之正朔如此此豈時純

熙矣之謂乎施及成王故有我龍受之辭以信於天下
後世

相

綏萬邦婁豐年天命匪解相相武王保有厥土予以四方
克定厥家於昭于天皇以問之

據詩序則相為二義詩辭止以相為武之威爾何以言
志哉用武之威不徒禁暴止戈能致天心之格豐年之
應猶君奭之書所謂昭武王丕單稱德此所以為武之
威也

賚

文王既勤止我應受之敷時繹思我祖維求定時周之命
於繹思

其封國之詩歟其因曾論周有大賚善人是富遂據以
為此序耶抑兼錫命羣臣以為言也詩凡兩繹思宜相
應而云以周之天命為可繹也惟在侯國武王伐殷非
友邦而會者八百國天下歸周固宜諸侯受命于周也
受命于周宜於周廟故以周之天命為言况當時大封
同姓五十三國武王之母弟八人五叔無官見於左傳

祝子魚之言抑當時諸侯會伐周因其舊而封之若柳
子厚封建之說故於周廟無命之耶方與天下惟公豈
以伐紂之功而封之哉亦非示天下以惟新之道也

般

於皇時周陟其高山墮山喬嶽允猶翕河敷天之下東時
之對時周之命

望祀山川皆以周爲之言謂禮以國行者也示周之一
統天下也書之武成告于名山大川曰俾濟兆民無作
神羞故勝般之後致報於神耶特名詩之義則莫可知

以般樂爲訓固爲近之似非聖賢處心之道况傳之樂
章乎按易屯之初九剛柔始交爻辭乃曰盤桓利居貞
利建侯武王勝般之初巡行方岳遂依以起義其巡守
望秩以觀民風盤旋雍容於撫萬邦巡侯甸之意乎姑
存之以俟知者

魯頌

魯自伯禽至于定哀凡二十五世其間豈無賢侯惠公
之先孝公仲山甫言於宣王王命爲侯伯在位二十有
七年然則伯禽孝公未嘗有頌也僖公非有加於二祖

也而頌聲迭作據詩序季孫行父請命于周按左氏傳
行父卒於襄公之五年初不以壽聞姑以上壽七十歲
準之溯其日月當僖公薨之年纔十有餘歲乃能舉自
古未有之典請于天子出於諸卿之右而又以賢動於
王朝也耶此序者之妄也閔之詩辭卒章曰奚斯所作
以左氏閔二年共仲之死由於奚斯請命不獲而哭以
逼之者也謂其作閔宮可也然詩之上下文皆言木工
之事豈匠氏之名字與公子魚適相同乎要亦未可準
閔宮之詩大抵襲用二雅之言若居岐之陽實始翦商
蓋綿之詩所不敢及也作是詩者其幾於雅矣吾夫子
所裁正非其實有所見深中於理則必刪之矣學詩者
不容以臆見爲準者其皆出於史克之筆與否及以駟
爲頌之首其義安在閔宮之殿於魯頌何說皆當深思
而詳求之也閔宮泮水借曰用民力以時不書於春秋
三十三年間乃無一辭見於左氏之傳亦所不可解即
詩以求詩儻能知其詩之旨而不以序亂焉其度越於
羣儒多矣又安可以過求哉按書序言淮夷之叛最多
凡書伐者皆不再見淮夷之叛自成王之位至其末年

伐管蔡之後惟蔡仲率德改行而再封之管叔武庚之
祚絕矣淮夷之伐在封蔡之後成王四征時已滅之矣
是又一淮夷也故周官之序以滅淮夷書之于時周公
成王皆在位也竊意淮夷之叛而據周公之封土至滅
淮夷而復之是之謂復周公之宇也自僖公至昭公四
年會于申而淮夷與焉蓋與於中國之會矣序詩者止
聞僖公之賢遂歸美之而非指實也若然則服淮夷伯
禽之功在未滅淮夷之前甚明

駟

魯頌

駟駟牡馬在坳之野薄言駟者有駟有皇有驪有黃以車
彭彭思無疆思馬斯臧駟駟牡馬在坳之野薄言駟者有
騅有駟有駟有駟以車任任思無期思馬斯才駟駟牡馬
在坳之野薄言駟者有騅有駟有駟有駟以車任任思無
駟思馬斯作駟駟牡馬在坳之野薄言駟者有駟有駟有
駟有魚以車祛祛思無邪思馬斯祖

魯頌以駟為首今是詩特以馬之富夸之耳不及僖公
之美也惟斷句言其思耳思羨辭也美果安在乎魯自
莊閔以來不以德稱二公閔闕不修幾於亡國禍幾及

身序詩者之妄亦猶謂文姜齊女賢而不取而無大國之助同一繆耳此四詩之辭旨甚類小雅後世耳目所聞但謂僖公之賢非莊閔以下所及而魯先公之詩悉舉而歸之於僖况頌辭多言富強之盛亦非魯之叔世所宜有也借曰有之曾不少見於春秋之經傳而漫以虛辭夸之何哉駟之辭斷句曰思馬斯才思馬斯作思馬斯祖大抵言其蕃庶耳有駟之名詩亦同意詳味其旨又似周之盛際不但以蕃庶為言而已又按左氏傳僖公立之五年齊威公會諸侯于首止以定世子鄭之

位自是大盟會僖公皆與焉二十餘年大叔之亂晉文逆王而殺大叔再朝于主所者僖公也然則魯僖公於襄王首末之功如此可以作頌使果有請天子亦將許之矣當僖公之在位也齊之霸方盛中國之勢正強魯有強臣之禍共仲亂內其君再弒哀姜見殺僖公以賢聞於諸侯力足討亂成哀姜之終其閔兩見書於經穀梁謂其有志於民享國最久其敗莒滅項入杞取濟西田不但從威文於會伐而已若似富強屈強於諸夏者而不見於詩何耶據閔宮詩辭王曰叔父建爾元子俾

侯于魯大啓土宇爲周室輔乃命魯侯錫之山川奄有
龜蒙遂荒大東至于海邦淮夷來同莫不率從皆初封
國之辭此必在成王未征弗庭之前周官之書未作淮
夷未滅也安有在僖公時魯建國數百年始作此辭哉
考之春秋魯昭四年夏楚淮夷十三國會旱于申其秋楚
淮夷伐吳則淮夷爲楚之與國矣于時吳正強乃從楚
往伐蓋能爲國而又少強矣當僖公之十三年桓公會
諸侯于鹹左氏謂淮夷病杞故然則僖公之淮夷非徐
戎並興之淮夷也但能病杞非能爲魯病也至昭公時
列於楚之會又佐楚伐吳大抵非向之淮夷明矣抑淮
之山谷其民自爲聚落禹書之作時九州之不馴化者
皆以夷目之矣

有駉

有駉有駉彼乘黃夙夜在公在公明明振振鷺鷥于下
鼓咽咽醉言舞于胥樂兮有駉有駉彼乘牡夙夜在公
在公飲酒振振鷺鷥于飛鼓咽咽醉言歸于胥樂兮有駉
有駉彼乘駒夙夜在公在公載燕自今以始歲其有君
子有穀詒孫子于胥樂兮

此詩復以馬言之何歟繼駟而爲義旨猶駟也自魯侯
誠心之積至於育物之盛則立國之道著矣公之厚其
臣如馬之蕃富也臣之事其君如鷺之潔白也然後可
以燕樂言也首章曰在公明明二章曰在公飲酒三章
則燕矣詩之始以動而終以樂者惟魯君爾豈非勤敏
之所積歟是以卒章曰自今以始歲其有言有感於天
也曰有穀貽孫子言其澤乎人也斯所以爲頌歟殆幾
於小雅之時焉

泮水

思樂泮水薄采其芹魯侯戾止言觀其旂旒旒鸞聲
噦噦無小無大從公于邁思樂泮水薄采其藻魯侯戾止
其馬蹻蹻其馬蹻蹻其音昭昭載色載笑匪怒伊教思樂
泮水薄采其芣魯侯戾止在泮飲酒既飲旨酒永錫難老
順彼長道屈此羣醜穆穆魯侯敬明其德敬慎威儀維民
之則允文允武昭假烈祖靡有不孝自求伊祐明明魯侯
克明其德既作泮宮淮夷攸服矯矯虎臣在泮獻馘淑問
如臯陶在泮獻囚濟濟多士克廣德心桓桓于征狄彼東
南烝烝皇皇不吳不揚不告于訖在泮獻功角弓其觶東

矢其夜戎車孔博徒御無數既克淮夷孔淑不逆式固爾
猶淮夷卒獲翩彼飛鴉集于泮林食我桑黶懷我好音
彼淮夷來獻其琛元龜象齒大賂南金

教化先務也二詩之後乃及焉以其身言之則施諸人
者為可後矣夫以士之游於泮水而樂之焉則教已形
於人心矣前三章皆以薄采為辭其幾與風乎舞雩詠
而歸同意一章言其情也二章言其化也三章言其立
國之勢也自是而後專以頌魯為辭四章以德五章以
功六章人才之盛七章武備之脩八章以淮夷之功歸
之泮宮也周室淮夷之梗魯自伯禽始封以淮夷徐戎
並興東郊為之不關伯禽克淮夷雖不經見此章乃詳
之八章之言淮夷者四終於獻琛則始不為患其猶文
王之伐崇退修教而遂降耶若僖公時何嘗有淮夷之
寇其出師成功春秋安得而削之此詩稱魯侯亦指魯
之先公之辭是詩或魯之先公之頌序妄指為僖公爾
味其辭旨既克淮夷豈頌禱也古之為國者凡民之事
皆起於井田凡在國之事皆起於學校學校者群其國
之士以共謀吾國之政事也是以泮水之詩魯之政事

兵戎皆在焉四詩之辭皆與大小雅相近伯禽之詩可知也

閔宮

閔宮有恤實實枚枚赫赫姜嫄其德不回上帝是依無災無害彌月不遲是生后稷降之百福黍稷重穰稷種稷麥奄有下國俾民稼穡有稷有黍有稻有秬奄有下土續禹之緒后稷之孫實維大王居岐之陽實始翦商至于文武續天王之緒致天之届于牧之野無貳無虞上帝臨女敦商之旅克咸厥功王曰叔父建爾元子俾侯于魯大啓爾

宇爲周室輔乃命魯公俾侯于東錫之山川土田附庸周公之孫莊公之子龍旂承祀六轡耳耳春秋匪解享祀不忒皇皇后帝皇祖后稷享以騂犧是饗是宜降福既多周公皇祖亦其福女秋而戴嘗夏而福衡白牡騂剛犧尊將將毛包載美邊豆大房萬舞洋洋孝孫有慶俾爾熾而昌俾爾壽而臧保彼東方魯邦是常不虧不崩不震不騰三壽作朋如岡如陵公車千乘朱英綠縵二矛重弓公徒三萬貝冑朱綬烝徒增增戎狄是膺荆舒是懲則莫我敢承俾爾昌而熾俾爾壽而富黃髮台背壽考與試俾爾昌而

大俾爾耆而艾萬有千歲眉壽無有害泰山巖巖魯邦所
詹奄有龜蒙遂荒大東至于海邦淮夷來同莫不率從魯
侯之功保有鳧繹遂荒徐宅至于海邦淮夷蠻貊及彼南
夷莫不率從莫敢不諾魯侯是若天錫公純嘏眉壽保魯
居常與許復周公之宇魯侯燕喜令妻壽母宜大夫庶士
邦國是有既多受祉黃髮兒齒徂徠之松新甫之栢是斷
是度是尋是尺松栢有馬路寢孔碩新廟奕奕奚斯所作
孔曼且碩萬民是若

是詩爲廟姜嫄而作顯然也姜嫄高辛氏世妃也是生

后稷周之郊祀后稷常典不可紊故於魯立姜嫄廟所
謂閼宮者未可盡信也禮記謂賜之以重祭者祭姜嫄
爾魯之有閼宮非可以常禮言也以帝嚳之妃后稷之
母顧可降而用諸侯之禮樂乎魯之用天子禮樂重祭
而已併用之於周公之廟則魯禮之未失也是以吾夫
子譏禘郊而於周無譏焉果如成王賜之則仲尼未嘗
有譏之之微言也魯之浸失其本者不知禮爾魯不可
以二王後爲準也曾之所以郊者仲春祈穀之郊非報
本之郊也惟宣三年成七年僭用建子月若襄公七年

十一年皆用四月祈穀之郊也仲尼既歿諸儒之議雜然而起自以爲明禮之大分而不悟其知之未審也且魯之所以得頌者闕宮也故是詩王道之統紀立國之本原皆在焉其不專爲魯甚明廟在於魯而不廟於周然則頌不得爲周作亦不得列於周頌吾夫子繫之於魯而不以爲魯頌之首者明其非魯事也凡頌者皆頌一代之美非爲一人頌也如駟泮水有駟安知其非魯之先公乎伐淮夷荒徐宅豈僖公之事說者亦妄以爲僖公皆由序詩者誤之也又如膺我狄懲荆舒孟子

明以爲周公說者尚演而屬之僖公詩序之誤後學大抵如此自后稷封邰之後至不窋失國矣自公劉遷豳而後周始基其樂歌豳雅豳頌周公之七月召公之公劉非不推言其本今周頌無一語及焉禮之大典萬世共由不得而干也以姜嫄廟之於魯以闕宮不首於魯頌皆吾夫子用道之大者子思所謂道之隆汙無所失道者也一章廟姜嫄之本始也二章周之所以興也三章魯公之封異於他國者也四章魯之所以承周公之澤也壽胥與壽考壽作朋試其力之進退也五

章魯之所以爲國如四履之境也淮夷來同者同於伯禽伐淮夷之日也六章之保有其國七章期魯侯之福此二章其爲魯公言之歟臣子之於君自宜爾無溢美也無諛辭也爲卒章新閔宮張本爾若使僖公旣修魯廟至文公十三年而大室之屋何爲遽壞也哉然詩人之爲此詩其果出於史克乎以其詩辭言之發明祕義亦非史氏之所能及如以大王居岐之陽實始翦商無貳無虞上帝臨女戎狄是膺荆舒是懲皆有特見幾於周公衛武公之辭使魯之史能爲此詩他無一辭見於

魯國何也吾夫子亦未嘗少旌別之蓋詩人之辭其等甚高聖人以其義理所出不但謂之良史而已況武王謂先生建邦啓土指后稷而言是周之追王已以至舉師類禡告名山大川之時稱王素矣大王之仁聲仁聞誠足以肇基王迹天監代商莫若周自是之後商無賢王以微子之聖又不克立詩人不以伐商本之武王而以前商本之大王不以前商言之周頌而以前商繫之魯頌此廟姜嫄之旨也易於隨之上六曰王用亨于西山於升之六四王用亨于岐山人心之所以隨王業之

所升皆本大王言之凡此皆斷自聖心非他人所能與也

商頌

那

商頌

猗與那與置我鞀鼓奏鼓簡簡衍我烈祖湯孫奏假綏我思成鞀鼓淵淵嘒嘒管聲既和且平依我聲聲於赫湯孫穆穆厥聲庸鼓有數萬舞舞有奕我有嘉賓亦不夷懌自古在昔先民有作温恭朝夕執事有恪顧予丞嘗湯孫之將序謂正考甫得商頌似未可盡信豈謂正考父為先聖

商頌卷第一

十九

三

之祖所以推本之歟然則那為商頌之首何也抑託諸正考父乎那之名詩莫可知也訓以多為義其果然乎似若濩樂之助音耶若楚詞之此而始末異爾其詩亦簡直比周頌則少繫大抵皆樂事其於立國紀德不在此詩也且其制樂以置鼓為殷制詩皆以鼓發其義乃曰依我聲聲其所主者其以聲為重歟以鼓為重歟虞書曰於予擊石拊石百獸率舞雖之所自執者也似若樂之主於聲者常法也以那名詩首曰置我鞀鼓奏鼓簡簡又曰鞀鼓淵淵又曰庸鼓有懌然則濩樂以鞀鼓

爲重審矣且依磬聲者樂之常法執鼓者商樂之制與詩辭則以鼓與管依磬而不以磬依鼓也鼓磬不可並奏也卒章顧子悉嘗湯孫之將則與列祖祀中宗之詩同固不必言然則是詩二言湯孫其在太甲之朝若在湯則未有此詩也抑外丙仲壬之際至太甲乃有禮樂之制而思成若後世之廟號耶鄭氏於思成二字發之甚詳且援記以爲證

列祖

嗟嗟列祖有秩斯祐申錫無疆及爾斯所既載清酌賚我

詩卷之六

六

三

思成亦有和羹既戒既平假無言時靡有爭綬我負壽考者無疆約軼錯衡八鸞鷁鷁以假以享我受命溥將自天降康豐年穰穰來假來享降福無疆顧子悉嘗湯孫之將

是詩與那皆以列祖爲言特此詩以列祖發語爾二詩皆言列祖前詩爲成湯此詩爲中宗遠異其人何哉祖之與宗廟號不可紊也大戊爲商之中宗祖有功而宗有德今以中宗爲列祖是混之也玄鳥之言祀高宗鄭氏謂肇域彼四海般受命咸宜豈所以稱武丁者哉序

詩者既以那爲祀成湯故於中宗高宗各繫以詩不
其合與否也周公之稱中宗曰嚴恭寅畏天命自度本
其桑穀之祥爲敬德之本其德之大未有加焉是以爲
商之中宗詩略無此意則失其大者矣要是商頌皆商
世所作之樂歌祭於商廟者也惟玄鳥若武丁之後繼
世之時所作爾似是總頌一代之美與立國之意世守
之德非可專歸之一人儻若商頌十二篇皆存序詩者
皆得以徧及後世學者皆得以傳會之矣

玄鳥

天命玄鳥降而生商宅殷土芒芒古帝命武湯正域彼四
方方命厥后奄有九有商之先后受命不殆在武丁孫子
武丁孫子武王靡不勝龍旂十乘大糇是承邦畿千里維
民所止肇域彼四海四海來假來假祁祁景負維河殷受
命咸宜百祿是何

武丁朝諸侯有天下是詩皆朝諸侯之事其追言成湯
固宜然也特以玄鳥名詩推本於契其必有深旨玄鳥
之生育惟訓詁謂玄鳥至而生契其說甚正蓋玄鳥巢
於人之室不在野也因其至之時而契始生或群至而

爲祥乎是鳥也最爲知時唐詩人謂戊日燕重來以仲
春之戊而至以秋之戊而去焉鴻鴈相避始至而農事
起既去而農功休農事國之本也烈祖之詩有豐年穰
穰之辭不但是周以農爲重也故以玄鳥名歟今詳詩
旨專以疆土爲言曰殷土芒芒曰正域彼四方奄有九
有曰龍旂十乘肇域彼四海四海來假詩意自小乙之
時商業中微自仲丁以來九世爭立諸侯不朝盤庚之
後商復衰焉武丁朝諸侯有天下復湯之舊疆土遂一
故詩人推本於商之始興故曰受命不殆在武丁孫子
一詩之辭專言諸侯而不他及也鄭氏謂武丁因雉雊
而脩德殷道復興然則詩以玄鳥名篇推本於契武丁
以雉雊復興而朝諸侯皆以類求興國之禎祥也歟

長發

濬哲維商長發其祥洪水芒芒禹敷下土方外大國是疆
幅員既長有娥方將帝立子生商玄王相撥受小國是達
受大國是達率履不越遂視既發相土烈烈海外有截帝
命不違至于湯齊湯降不違聖敬日躋昭假遲遲上帝是
祗帝命式于九圍受小球大球爲下國綴旒何天之休不

競不練不剛不柔敷政優優百祿是適受小共大共爲下
國駿宓何天之龍敷奏其勇不震不動不難不竦百祿是
總武王載旆有虔秉鉞如火烈烈則莫我敢曷也有三葉
莫遂莫達九有有截韋顧既伐昆吾夏桀昔在中葉有震
且業允也天子降于卿士實維兩衛實左右商王

宗廟之制不同穀則禘於三時周則秋禘而已五年一
禘禘雖小於禘大於四時爾雅云大祭者禘夏正郊天
亦曰禘夏禘四時之祭夏祭亦曰禘周宗廟之制五年
一禘穀制其亦然乎序禮者所謂大禘者用周制耶穀

光北

制亦如之耶序國非可也然禘其祖之所自出推言
生契之姑僅曰有娥方將帝立子生商是也詩名以長
發者謂長發其祥在此而已其間有禹敷洪水之辭自
古之言疆土者鮮有不推本於禹者也詩人原其興之
之時以疆土爲言二章謂契之敷教達乎天下相土繼
之相土因陶唐之火正闕伯居商丘而祀大火相土因
之者也至湯而天命歸焉詩辭直曰小國大國與四五
言小球大球小共大共其異文耶抑各有旨也四章五
章皆以受小受大爲首皆諸侯也要是形容湯之得諸

侯誕告萬方之意四章湯之待諸侯五章諸侯之安於
湯也六章始言伐夏豈未伐夏之前諸侯之歸已者若
是其衆歟孟子謂湯征自葛始得諸侯之盛惟此詩見
之若在書則伐夏之後誕告萬方耳似若湯已受命誥
萬方之後惟本肇造至於伐桀而天命定矣卒章止爲
商之興由於伊尹伊尹天之所畀以他書觀之湯之革
命悉出於伊尹一詩之辭皆推明王業之始興與成湯
之肇造終歸於伊尹之佐命也其合祭之時推明王業
以享其祖廟乎姑據詩辭以玩其義可也商之歌詩惟
見於此非若周詩之盛也

殷武

捷彼殷武奮伐荆楚桀入其阻裒荆之旅有截其所湯孫
之緒維女荆楚居國南鄉昔有成湯自彼氐羗莫敢不來
享莫敢不來王曰商是常天命多辟設都于禹之績歲事
來辟勿予禍適稼穡匪解天命降監下民有嚴不僭不濫
不敢怠遑命于下國封建厥福商邑翼翼四方之極赫赫
厥聲濯濯厥靈壽考且寧以保我後生陟彼景山松柏丸
丸是斷是遷方斲是虔松栢有槩旅楹有閑寢成孔安

詩以國名未有前此若謂高宗似不應以武丁專一代之事按書自盤庚延逮于殷自此以前皆稱商此以後始稱殷然則以殷武名詩其在盤庚之後歟後世思高宗中興之功而詩以頌之謂朝諸侯有天下武丁之功故以殷武名詩詩中猶指商爲言不以武丁專美于商商者自成湯至于帝乙者也武丁中興在詩曰伐荆楚在易曰伐鬼方武功如此商頌推尊先代之功皆以武言曰武湯曰武王以武名詩其爲卒章寢廟發歟荆州在江漢間疆域廣矣楚自周始封熊繹爲國以其地考之三苗所居之地也當時雖未必爲叛國其不朝事于殷而往伐之焉故二章以氏羗律之三章之後一統之勢也以稼穡爲歲事所以重農猶有盧咨十二牧食哉惟時之義歟



吳郡錢同慶藏書



家君所著詩說每篇條列諸家解而
繫己意於後其所纂輯家數視東
萊詩記加詳亦互有去取又以詩記
所編朱解乃文公初筆其晚年詩
解成時 呂成公已下世更別為目
繫於末曰之次若全以鋟梓未易遽

集坦浸迫終更日力有限茲且以

家君已說與書說對刊仍錄全本之
副于學宮或補為完書以泐後學則
有望於將來之師儒淳祐六年人日

進功郎郴州州學教授劉坦白拜

書于直舍



圖書在版編目(CIP)數據

詩說/[宋]劉克撰.—北京:北京圖書館出版社,2003.5
(中華再造善本)
ISBN 7-5013-2039-X

I.詩… II.劉… III.詩經—註釋 IV.I222.2

中國版本圖書館CIP數據核字(2003)第017251號

ISBN 7-5013-2039-X



9 787501 320394 >

書名 詩說(全八冊)
著者 [宋]劉克撰

出版 北京圖書館出版社(100034北京市西城區文津街七號)
發行 Tel:(010)66151313 Fax:(010)66174391

E-mail: Bstfxb@publicf.nlc.gov.cn
Website: www.nlcpress.com

造紙 華寶齋
印刷 杭州富陽古籍印刷廠

開本 八
印張 七四

版次 二〇〇三年五月第一版第一次印刷
印數 一—五〇〇

書號 ISBN 7-5013-2039-X/K·500
定價 一七八〇圓

Handwritten text in vertical columns, likely bleed-through from the reverse side of the page. The text is in cursive script and includes various characters and possibly some faint markings.

北京圖書館出版社
Tel: (010) 66151313 Fax: (010) 66174391
E-mail: Bstfxb@publicf.nlc.gov.cn
Website: www.nlcpress.com

